

TEZAU LITURGIC

7 MAI

ACATISTUL SF. 13 CUVIOȘI DIN GEORGIA



TBILISI, 2000



დაუჯდომელი წმიდა ცამეტი ასურელი მამისა

კონდაკი 1

ღმრთისა სიტყვთა აღკუართულნო მოღუაწენო
განმარჯვებულნო, სახარულევანთა თქუენტა
ვსენებათა მედლესასწაულენი, თქუენ, აზნაურებადისა
რჩეულისა მეკმეთა, ესრეთ გიგალობთ: გიხაროდენ,
ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

იკოსი 1

პირველთა მათ დიდთა მონაზონთა თანამოკარვენო,
უღმრთოებისა ღუარნი ღმრთისმოდურებითა
განაჴმენით და საცთურთა საჴმილსა შინა
გვაცურიენით ჩუენ ღუარნი საშუებელისანი;
ამისთჴსცა აღიდვრიან გონებათა ჩუენტა ორღანონი
თქუენდა ჴმოგანებად ესრეთ:

გიხაროდენ, ათორმეტთა მოწაფეთა შენტა
წინამძღუარო უცთომელო და ზედაზნისა თუალო
ზეხილულო იოანე;

გიხაროდენ, ნეკრესისა ცისკროვანებაო აბიბოს;
გიხაროდენ, მარტომყოფელობითა წმიდათა
სიმრავლესა შერთულო ანტონ;
გიხაროდენ, გარეჯისა უდაბნოსა მწყურნებად
გარდამაქცეველო დავით;
გიხაროდენ, იყალოთოსა შუენებაო ზენონ;
გიხაროდენ, სტეფანწმიდისა ახოვანებაო თადეოზ;
გიხაროდენ, წილკნისა კეთილწმოვანებაო ისე;
გიხაროდენ, ალავერდისა ფრთოვანებაო იოსებ;
გიხაროდენ, სამთავისისა ელვარებაო ისიდორე;
გიხაროდენ, ულუმბოსა ბრწყინვალებაო მიქაელ;
გიხაროდენ, ბრეთისა ნესტუო ჯმოვანო პიროს;
გიხაროდენ, ხირსისა მამაო ღმრთეებრივო სტეფანე;
გიხაროდენ, მღვმითგან ცათა მიმართ აღსრულო შიო;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 2

განუძლომელისა სერისა მექორწინენო და სიბრძნისა
ტაკუკთა აღმავსებელნო, იწნიხა ტევანთა თქუენტაგან
წარუვალისა ცხორებისა სიტკბოებად: ალილუია.

იკოსი 2

ნებსითსა სიმდაბლესა შედგომილნო, უოხჳნოდსა
საფასისა მიმართ აღშურვებულნი თქუენ, საღმრთოდსა
სრბისა მასწავლელთა, ესრეთ გადიდებთ:

გიხაროდენ, ნათლისა მეცნიერებითა ცხორებულნო:

გიხაროდენ, სასუფეველისა ქადაგნო:

გიხაროდენ, სამოციქულოდსა სიტყუსა

გამომთარგმნელნო;

გიხაროდენ, უხილავთა ბრძოლათა სპარაზენნო;

გიხაროდენ, მაცხოვნებელთა ნიჭთა მეუნჯენო;

გიხაროდენ, სათნოებათა მოქმედნო;

გიხაროდენ, ფიცარნო სჯულისანო;

გიხაროდენ, განგოზილთა სიტყვერთა საფლავთა

განმხეთქელნო;

გიხაროდენ, ჩვენთა ქენებათა მიმქუმელნო;

გიხაროდენ, თვთმფლობელობისა სახენო;

გიხაროდენ, რამეთუ არა სთნდეს უფალსა

სხვლბარკალნი მამაკაცისანი;

გიხაროდენ, რამეთუ სთნდეს უფალსა მოშიშნი მისნი

და რომელნი ესგენ წყალობათა მისთა;

გიხაროდენ, ქუაბთა შინა ბევრეულთა მათ ცხოვნებისა

წყურიელთა მესათხევლენო და საკვრველისა

მონაზონებისა ზეაღმხილველნო საჭურეტელნო,

წმოდანო ათსამმეტნო ასურელნო მამანო!

კონდაკი 3

ცეცხლოანსა სუეტსა შეკერტებულმან სჳმეონმან
სათნობათა უფსკრულთაგან აღმოგიწოდათ თქუენ
ივერიისა ბრწყინვალედ: ალილუია.

იკოსი 3

ერთღმრთეებისა მგალობელნო და მართლისა
სარწმუნოებისა საყვრნო, რომელთა მიმართ კეთილად
ღალადებენ უდაბნონი, ესევეითართა მეფსალმუნეთა
მობაძავნი, ჩუენცა დიდებისგმეტყველებთ:

გიხაროდენ, სუეტნო სარწმუნოებისანო;
გიხაროდებ, ცხოველსა ლოდსა ზედა აღმენებულნო
ტაძარნო;

გიხაროდენ, სიწრფოებისა კრებულნო უვრცელესნო;
გიხაროდენ, ჭემმარიტისა მარტომყოფობისა
საცნაურმოფელნო;

გიხაროდენ, მაღლოანისა ლიმონარისა
მომფუტკრებელნო;

გიხაროდენ, საღმრთოთა ხილგათა ღირს-ქმნილნო;

გიხაროდენ, დაუწყუედელნო სიტკბოებანო;

გიხაროდენ, განუგრილებელნო სიტფოებანო;

გიხაროდენ, წმიდათა თანა მოხარულნო;

გიხაროდენ, ცრემლოანთა ნუგეშინისმცემელნო;

გიხაროდენ, მაღლისა სიტყუსა მომთხრობელნო;

გიხაროდენ, მამანო სასწაულთმოქმედნო;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 4

ფსალმუნთა და ებნითა ფიცხელთა უდაბნოთა
განმაშუენებელნო, ცათა შინა აღბეჭდულან ორნატნი
თქუენისა კეთილმოღუაწებისანი: ალილუია.

იკოსი 4

მამანო საწადელნო და საძნაურთა სამუშაკოთა
მუშაკნო, რომელთაგან მოწეულსა ხუავსა საღმრთოსა
მივემთხევით დღეს, დაუცალიერებელისა ტაბლისა
მეძიებელნი, თქუენ, უბრწნელისა სასუმელისა
მწდეთა ღმრთისმიერთა, ესრეთ გადიდებთ:

გიხაროდენ, ჯორცითა განკაფულნო;
გიხაროდენ, სულითა განბრწყინვებულნო;
გიხაროდენ, სიჩჩოდთ თქუენით ღმერთშემოსილნო;
გიხაროდენ, ქრისტეს სურვილითა აღზრდილნო;
გიხაროდენ, ჭურნო ღმრთისანო;
გიხაროდენ, კრულეებათა ჩუენთა დამცსნელნო;
გიხაროდენ, საბრჯხეთაგან ფერჯთა ჩუენთა

განმარინებელნო;
გიხაროდენ, ცათაგან დამოდინებულნო
სულნელეებანო;
გიხაროდენ, უნაყოფოთა შვილიერებანო;
გიხაროდენ, პერობილთა აზნაურებანო;
გიხაროდენ, დაცემულთა აღმართებანო;
გიხაროდენ, სნეულთა კურნებანო;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმოდანო ათსამმეტნო ასურელნო მამანო!

კონდაკი 5

სულიერისა მწყერმარჯილისა აღმომაცენებელნო და
ზეცად აღსვლისა მესიტყუენო, სიტყვერითა პურიითა
განგვამლეთ ჩუენ, საწყუთოდსა სიყმილითა
შეიწრებულნი: ალილოუია.

იკოსი 5

მოლოდებადთა საფასეთა წინაღსწარმეტყველნო,
რომელნი დღე-ყოველ განაბრწყინვებთ საცნობელთა
ჩუენტა, შიშითა და სიყუარულითა თქუენდა ქებად
შემოკრებულნი ესრეთ გკმოვანებთ:

გიხაროდენ, მაღალსა მას ცხორებასა მიწევნულნო;
გიხაროდენ, ღმრთისმიერთა გონებითა
აღორძინებულნო;
გიხაროდენ, უდაბნოთა მცხინვარებითა შემწვარნო;
გიხაროდენ, იესოს ვსენებითა განგრილებულნო;
გიხაროდენ, სულითა წმიდითა მეტყუელნო;
გიხაროდენ, ბუნებისა წესთა მძლეველნო;
გიხაროდენ, ჰაერსა ზედა ნეტარებისასა
აღფრინვებულნო;
გიხაროდენ, ტევანო მაღლისა ვენახისაო;
გიხაროდენ, ბრწყინვალებითა თქუენითა მზის
ნათლისა უადრესნო;
გიხაროდენ, ყოვლისა სოფლისა სიხარულნო;
გიხაროდენ, რომელნი გალობითა აღიზარდენით,
ვიდრელა სძითა;
გიხაროდენ, რომელნი სიფიცხეთა ჰაერთასა ზემთა
ექმენით;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 6

აჰა ესერა, ქრისტეანენო სიძისა მიგებებად აღმსობილნი ქალწულნი გონიერნი, რომელთათჳსცა არა დავსცხრეთ მეტყუელებად: ალილოუია.

იკოსი 6

საღმრთოთა ნიჭთა სამკუდრებელნო და უოხჳნოდსა დიდებისა ზიარ-ქმნილნო, გარდარეულისა მის ნათლისა ძალთაებრ ჩუენთა მძნობელნი ესრეთ გგმოვანებთ:

გიხაროდენ, ღუაწლისა საჯმილსა ნებსით შესრულნო;
გიხაროდენ, საჯმილსა მას შინა ღმრთისა მადლითა შეცურეულნო;

გიხაროდენ, მონაზონნო ღმრთისმეტყუელნო;

გიხაროდენ, უდაბნოთა ყვავილოვნებანო;

გიხაროდენ, მალნარნო კურთხევისანო;

გიხაროდენ, ზატკნო ეკლესიისანო;

გიხაროდენ, პირველთა მათ მეუდაბნოეთა მესენაკენო;

გიხაროდენ, დღესასწაულნო წარუვალნო;

გიხაროდენ, სათნოებისა ბჳენო განჳმულნო;

გიხაროდენ, მრავალთა სულთა დამამტკიცებელნო;

გიხაროდენ, ქრისტეანეთა საჳურველნო;

გიხაროდენ, მარადის სანატრელნო მოღუაწენო;

გიხაროდენ, ქუაბთა შინა ბევრეულთა მათ ცხოვნებისა წყურიელთა მესათხევლენო და საკვრველისა მონაზონებისა ზეაღმზიდველნო საჭურეტელნო, წმიდანო ათსამმეტნო ასურელნო მამანო!

კონდაკი 7

საღმრთოთა გლოვითა ნეტარ-ქმნულთა, რომელთაგან მონაყოფებულსა სულიერსა საგლახაკოსა დაიუნჯებენ აწ ქუეყანასა ზედა სიმდაბლისა მეწინწილენი, დაუცხრომელითა ჳმითა გილაღადებთ: ალილუია.

იკოსი 7

განუცდელთა სიმაღლეთა მეტრფენო და თანანერგნო ქრისტესმიერნო, თქუენტა რტოგარდაფენილთა მცენარებათა მჭურეტელნი ესრეთ გადიდებთ:

გიხაროდენ, საღმრთოდასა ცხორებისა მახარებელნო;
გიხაროდენ, ქრისტეს საიდუმლოთა გამომთქუმელნო;
გიხაროდენ, კეთილსწავლულებისა ლიმონარნო;
გიხაროდენ, ღმრთისმსახურებისა საკვრველისა ხუავისა დამაუნჯებელნო;
გიხაროდენ, მდინარენო საშუებელისანო;
გიხაროდენ, მომკუდართა გონებათა ჩუენტა განმაცხოველებელნო;

გიხაროდენ, უტყუთა გონიერ-მყოფელნო;
გიხაროდენ, ცხორებისა სიტყვსა ყანობირნო;
გიხაროდენ, ბორგნეულთა ზრახვათა აღმკოცველნო;
გიხაროდენ, საცთურისა სიცბილთა განმაქიქებელნო;
გიხაროდენ, რამეთუ განხადეთ უმეცრებისა ბნელი;
გიხაროდენ, რამეთუ ახოვანითა მოლუაწებითა
დააკვეთეთ მანქანებაჲ ბელიარისა;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 8

სოფლისა კიდეთა ნათელნო, საწყუთოდსა ბნელისაგან
დამწუხრებულნი ესე თუალნი განგვკვენით ჩუენ
შემოქმედისა ხედვად: ალილუია.

იკოსი 8

პირნო ღმრთისანო, ორღანონო სულისა წმიდისანო,
ძლევისა გალობისა მგალობელთა მალლისა მამულისა
მემუსიკენი ესრეთ გიგალობთ:

გიხაროდენ, ნესტუნო ღმრთივდაბერილნო;
გიხაროდენ, თქუენდა უწყებულთა მასწავლელნო;
გიხაროდენ, ქრისტეს სუფევისა მეცმენო;

გიხაროდენ, ღმერთშემოსილთა თუალნო;
გიხაროდენ, კლდესა ზედა დაშენებულნო პალატნო;
გიხაროდენ, საღმრთოდსა სულისა
კითილადდამმარხველნო;
გიხაროდენ, ყოფადთა მცნობელნო;
გიხაროდენ, მონაზონებისა წესისა გამომეტყუელნო;
გიხაროდენ, სარბიელთა თქუენტა სრულმყოფელნო;
გიხაროდენ, ცხოველთა წყალთაგან აღსავსენო;
გიხაროდენ, ღმრთისა მადლითა მძლავრისა მის
მძლეველნო;
გიხაროდენ, უღმრთოებისა ნისლისა წარმდევენელნო;
გიხაროდენ, ქუაბთაშინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეადმზიდველნო საჭურეტელნო,
წმიდანო ათსამეტნო ასურელნო მამანო!

კონდაკი 9

ცეცხლითა სულისადათა სოფლისა ეკალთა
შემწუელნო, დასწუენით ჩუენტაცა ცთომათა ეკალნი
წარმწყმედელნი: ალილოუია.

იკოსი 9

საუკუნოდსა ცხორებისა წინამძღუარნო, რომელთაგან
დიან წყარონი ცხორებისანი, თანაწარსადინელსა მას

სულიერსა წყალობასა დაგვნერგენით ჩუენ,
ღმრთივჩინებულნი მცენარენი, მკმობელნი ესრეთ:

გიხაროდენ, მხიარულისა ნათლისა მსახურნო;
გიხაროდენ, ნაყოფთუხუნო მწუანვილოვანნო;
გიხაროდენ, მრავალთა შინა გუამთა ერთისა გონებისა
მქონებელნო;

გიხაროდენ, ყოველთა ბრალეულთა თავსმდეზნო;

გიხაროდენ, ჩუენდა მეოხებად აღძრულნო;

გიხაროდენ, დღე-ყოველ მოწამებრივითა ცხორებითა
ცხორებულნო;

გიხაროდენ, უპოვარებითა განმდიდრებულნო;

გიხაროდენ, უკამურობითა ფერჯთშესხმულნო;

გიხაროდენ, ღმრთისა სახელისა მაკუროთხეველნო;

გიხაროდენ, მეგვპტურისა ბრძნობისა განმხეთქელნო;

გიხაროდენ, რომელთა გონიერის მზისა მოფენითა
განვლეთ ღამე უღმრთოებისა;

გიხაროდენ, რომელთათვისცა ზეცისა ძალნი
განკვრდებიან;

გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხეველენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 10

განფიცებულთა გონებათა ჩუენთა მკვნელნო
ღმრთებრივნო, აწ ქუეყანასა ზედა აღმორჩეულან
ლუაწლთა თქუენტაგან აღმოდაბადებულნი
მწუანვილოვნებანი: ალილუია.

იკოსი 10

ზეცისა გონებათა სასუფეველით გამოსრულთა
სულნელთა, ღმრთისა წმიდათა დიდებისმეტყუელნი,
ესრეთ ვადიდებთ:

გიხაროდენ, საკვრველისა მძლევარისა მობაძაგნო;

გიხაროდენ, მღვდელნო საღმრთონო;

გიხაროდენ, სიჩხოძთგან ღმრთისა შეწირულნო;

გიხაროდენ, სიტყუერთა მსხუერპლთა ზედა

ზეგარდამოდსა ცეცხლისა გარდმომყვანებელნო;

გიხაროდენ, მაცხოვნებელთა ნიჭთა მდიდრად

შემწნარებელნო;

გიხაროდენ, სათნოებათაგან სოფლისა აღმავსებელნო;

გიხაროდენ, მუშაკნო ლუაწლმრავალნო;

გიხაროდენ, სძალისა უსძლოდსა მგალობელნო;

გიხაროდენ, ერთითა პირითა და ერთითა გონებითა

ღმრთისა მადიდებელნო;

გიხაროდენ, თუალნო პატიოსანნო;

გიხაროდენ, სიბრძნისმოყურენო ჭემმარიტნო;

გიხაროდენ, სულითა წმიდითა ფრთოვანქმნილნო;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 11

ზეცისა ძალთა თანა აღრაცხილნო და უნივთოდსა
ნათელსა შეწყნარებულნო, ჩუენდა მეოხებად ნუ
დასცხრებით ღმრთისა მიმართ, რომელნი ესრეთ
წარუთქუამთ დიდებასა: ალილუია.

იკოსი 11

ისრაიტელნო ჭეშმარიტნო და მარადის ღმრთისა
მიმართ მძნობელნო, ზეცისა იერუსალიმისა
სურვილითა გარდარიენით გულნი ჩუენი
მლაღადებელნი
ესრეთ:

გიხაროდენ, სასუფეველისა პირმშოებასა
მიმთხუელნო;
გიხაროდენ, სრულითა სიყუარულითა განწმედილნო;
გიხაროდენ, საიდუმლოდსა სერობასა ზიარებად
შეწყნარებულნო;
გიხაროდენ, მხიარულისა სერისა მეპურისმტენო;

გიხაროდენ, ღმრთისა მეცნიერებითა წურთილნო;
გიხაროდენ, უჯორცოთაებრ გონებითა თქუენითა
მფრინვალენო;
გიხაროდენ, სულთა ჩუენთა ეგვპტით
აღმომწოდებელნო;
გიხაროდენ, სლვათა ჩუენთა კეთილად
წარმმართველნო;
გიხაროდენ, ქრისტეანეთა თანა მოგზაურნო;
გიხაროდენ, ღმრთისა მიმართ მზრახველნო;
გიხაროდენ, რამეთუ არცხვინა ღმერთმან
მაჭირვებელთა თქუენთა;
გიხაროდენ, რამეთუ გამოაბრწყინვა უფალმან
სიმართლჳ თქუენი;
გიხაროდენ, ქუაბთა შინა ბევრეულთა მათ ცხოვნებისა
წყურიელთა მესათხევლენო და საკვრველისა
მონაზონებისა ზეაღმზიდველნო საჭურეტელნო,
წმიდანო ათსამმეტნო ასურელნო მამანო!

კონდაკი 12

რომელსა მართალი უყუარს და ცოდვილთა
სწყალობს, მას, თავადსა, ევედრენით კნინისა ამის
საგალობელისა შეწყნარებად: ალილოუია.

იკოსი 12

დიდისა ცხორებისა მერჩულენო და საშურველითა
აღსასრულითა მიცვალებულნო, თქუენ, ქუაბთა და
მთათა დაუწყუედელთა ნათელთა, თქუენტა
შეწევნათა მოქენენი, ესრეთ გკმოვანებთ:

გიხაროდენ, ჳორცთა შინა უჯორცოთა საზომსა
მიწევნულნო;

გიხაროდენ, უაღრესისა მიმართ მისრულნო;

გიხაროდენ, საღმრთოთა მამათა რიცხუსა
შეძინებულნო;

გიხაროდენ, წიაღთა შინა აბრაამისათა
განსუენებულნო;

გიხაროდენ, მალღისა ქუეყანისა მკუდრნო;

გიხაროდენ, ღმრთისა მიერ შემკობილნო;

გიხაროდენ, ქალწულნო ღმრთეებრიგნო;

გიხაროდენ, მარადის ნეტარებათა მიმართ
მხედველნო;

გიხაროდენ, პირველისა მის შუენიერებისა ხატნო;

გიხაროდენ, რომელთაგან მრავალფერნი სიმდიდრენი
გვისწავიეს:

გიხაროდენ, რომელთა წარმავალისა წილ წარუვალი
მოიყიდეთ;

გიხაროდენ, რამეთუ აწ თქუენ თანა იშუებს თქუენ
თანა მოსაგრეობითა ჩინებული დიაკონი ილია;

გიხაროდენ, ქუაბთა შინა ბევრეულთა მათ ცხოვნებისა წყურიელთა მესათხევლენო და საკვრველისა მონაზონებისა ზეაღმზიდველნო საჭურეტელნო, წმიდანო ათსამმეტნო ასურელნო მამანო!

კონდაკი 13

ჰოი სოფლისა მარილნო კურთხეულნო და ზუარაკნო ჭამებულნო, სათნოებისა განუცდელსა უფსკრულსა შთასრულთა ბაგენი ჩუენი აღახვენით დღე-ყოველ დიდებად ღმრთისა: ალილუია (ეს კონდაკი 3-ჯერ).

ლოცვა

ჰოი უდაბნითა შინა ტაძართა ზეაღმზიდველნო და მართლმადიდებლობისა სუეტნო უქცეველნო, ლოცვითა თქუენითა განაბრწყინვენით ღმრთივდაცული ერი ჩუენი და მეუფებად მისი, უწმიდესი და უნეტარესი, სრულიად საქართველოს კათოლიკოს-პატრიარქი და მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფე, მამად ჩუენი ილია, ყოვლადსამღვდელონი მიტროპოლიტნი, მთავარეპისკოპოსნი, ეპისკოპოსნი, პატიოსანი მღვდელნი, ქრისტეს მიერ დიაკონი, ყოველნი სამონაზონნი წესნი და ყოველნი მართლმადიდებელნი ქრისტეანენი.

ჰოი ღმრთისა მიერ განშუენებულნო წმიდანო
ათსამმეტნო ასურელნო მამანო: იოანე ზედაზნელო,
აბიბოს ნეკრესელო, ანტონ მარტყოფელო, დავით
გარეჯელო, ზენონ იყალთოელო, თადეოზ
სტეფანწმიდელო, ისე წილკნელო, იოსებ
ალაგერდელო, ისიდორე სამთავნელო, მიქაელ
ულუმბოელო, პიროს ბრეთელო, სტეფანე ხირსელო
და შიო მღვმელო - თქუენდა გალობად აღმსთობილნი
და ტაძარსა შინა ღმრთისასა შემოკრებულნი,
შეგვაწყნარენით მონანულთა მიმთუალველსა და
მაცხოვნებელსა ღმერთსა ჩუენსა, რადთა მარადის
კეთილთა მიმართ მხედველნი დაუცხრომელითა
ქებითა დიდებისგმეტყუელებდეთ მას, მიუწდომელსა
და გამოუთქუმელსა დამბადებელსა ყოველთასა,
მამასა და ძესა და წმიდასა სულსა, აწ და მარადის და
უკუნითი უკუნისამდე. ამინ.

ღირს არს ჭეშმარიტად, რადთა გადიდებდეთ შენ,
ღმრთისმშობელო, რომელი მარადის სანატრელ იქმენ,
ყოვლადუბიწოდ და დედად ღმრთისა ჩუენისა,
უპატოსნესსა ქერუბიმთასა და აღმატებით
უზესთაესსა სერაფიმთასა, განუხრწნელად მშობელსა
სიტყვსა ღმრთისასა, მხოლოსა ღმრთისმშობელსა
გალობით გადიდებდეთ.

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგჳწყალებნ (3-გზის).

უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაძთა, ღირსთა და ღმერთშემოსილთა მამათა ჩუენთაძთა და ყოველთა წმიდათაძთა, შეგჳწყალებნ ჩუენ. ამინ.

ავტორი: დეკანოზი მიქაელ გალდავა

